

## **Plenchi**

### **Bèl a bati**

**Tring tring...tring tring..bon dia, ta karnaval? Tring tring... halo, ta plenchi skol?**

**Halo.... sigur no! Ta plenchi di skol den ambiente di karnaval.**

**Preparashon a kuminsá pa karnaval kaba. Tumbanan ta zona yen di alegria i tur hende ta den espekativa di festival di tumba djaluna awor. Reina di karnaval, prens i pancho tur ta preparando pa nan mustra nan talento.**

**Pero banda di tur esei tin skol i lèsnan ta sigui normal si. Pesei balansá e lèsnan ku e ambiente. Tur kos na midí. Nada di mas no ta bon paso e ta bai fòrsabu mañan di un otro manera.**

**Tur hende ta puntra nan mes kiko e schrikkeljaar aki lo bai trese pa nos. Ban wak ki bon nos por hasi den e aña aki. Laga e ta un aña kaminda nos ta pone e balansa resultá mas den logro positivo ku den problema na fin di aña. Pone di bo mes. Nos tur pone di nos mes nos por logra hopi. Ban aktua positivo, traha pa mehorashon i balansá plaser i trabou. Ban papia menos i hasi mas. Ban plama positivismo, speransa i amor sin lubida di koregi loke ta malu.**

**Bonbini riba nos plenchi, gosa di dje i sintibu liber pa manda pa nos idea, bo sugerenshanan of un mucha djispou pa nos por pone otro smail. Un felis fin di siman i ..tene duru pa bo no kai atras.**

### **Orashon**

**Señor danki ku nos tin bida i rosea pa por gradisí bo i por pone nos petishonnan serka bo.**

**Señor duna nos:**

- **pasenshi ku nos mes**
- **pasenshi ku otronan, speshal esnan ku ta pidi mas**
- **amor pa guia nos desishonnan**
- **fe den momentu di debilidad**
- **determinashon pa hasi bon**
- **protekshon pa nos mes i nos sernan kerí**

**Tur esaki nos ta pidibu den nòmber di Tata Santu.**

## **Riba roster**



**Kolegio Sur Herman Joseph celebrando su 42 aniversario**

## **Not'é riba bòrchi**



**Selebrashon 85 aña st. Albertus College**



**St. Albertus College ta selebrá**



**Alumnonan di st. Albertus College disfrutando di nan selebrashon.**

## **Den agènda**

**Fakansi di skol**

**1 februari manisé di marcha hubenil**

**8 te 14 februari relashoná ku marcha grandi**

## **Mi ta konta**

**E glas di awa.**

**Natasha tabatin diferente anochi sin por drumi bon. E tabata preokupá pa su situashon finansiero. Su debenan ta asina haltu e luna aki ku e no sa kon e ta hasi. Su wela, Nana, a ripará ku e tin un problema i a opservé algun dia. E tabata mira ku kada dia e tabata mustra pio, sin energia i mas i mas tolondrá.**

**E mainta aki Natasha a lanta i a bai den kushina pa prepará pan pa e muchanan. Nana a pasa man yena un glas ku awa i a duna su nietu. E sa ku tur mainta e ta gusta bebe awa riba su stoma bashi promé e keinta stoma òf gasta algu.**

**Natasha a kue e glas i yama su Nana danki. Pero mesora el a opservá: oh Nana, ta skarsedat di awa tin? E glas ta mitar.”**

**Nana a kontesté: “Kiko bo por bisa di e glas aki”.**

**“Ai Nana no bin ku e kuenta di ‘glas mitar bashi of mitar yen’ awor mainta trempan aki”, el a kontestá.**

**Nana a dune e glas i a puntré:”Kon pisá e glas aki ta?”**

**“Ai Nana lo ta un 200 gram mi ta kere, pero ta kiko esei ta importá awor mainta trempan aki.”**

**Nana di pensé i awe nochi ora bo bin kas, mi ke tende bo kontestá.”**

**Henter dia Natasha no a haña chèns di pensa riba e pregunta di Nana. Pero yegando kas e preguntá a pòp den su mente. Ta kiko Nana kier a bisami? Ta dikon mi mester chek peso di e glas?”**

**Asina el a yega kas el a pasa un pasa bai kontra Nana: “Nana promé Nana puntra, mi no tin idea di e glas su peso. Mi peso mes mi tin ku dil ke ne anto keremi ta un problema pa tene esaki abou.”**

**Nana a kontestá: Tur kos ta debende kon largu bo tene e glas den bo man. Un par di sekonde, manera awe mainta no ta kousa niun problema. Pero ta bira diferente si bo tené pa algun ora tras di otro, of dlanan tras di otro. Despues di algun ora bo man ta kansa i ta kuminsá hasi due. Despues di algun dia bo man lo te hasta paralisá. Meskos ta ku bo peso. No esun ku bo ke men di bo gordura, pero esun di bo problema. Mas bo**

**keda ku ne tene, drumi lanta ku né e ta kansabu i te hasta paralisabu. Tin momentu bo mester purba lague lòs un ratu. Pa asina bo no paralisá. Parálisis ta stroba bo mente di ta kreativo i eksitoso. E ta hasi bo problema mas pisá paso e ta afekto bo sistema nervioso. Bo aktitut ta keda afektá i tur rondó di bo ta sinti bo pisá. Anto niun hende ke ta den serkania di hende pisá. E ta strobabu, keremi. Kita e peso i pone den man di Señor i biba ku un kurason gradisido pa loke si bo tin.**

## **Un prenci**



**Un interkambio di studiante ente St. Maarten su studiantenan di Milton Peters College i Kòrsou su studiantenan di Radulphus College.**



**Mira un grupo dinámico di st. Jozef VSBO aki ta disfrutá di brindis di aña nobo.**

### **Mucha djispou**

**Dos ruman ta yega skol hopi lat pa di tantísimo biaha. Nan ta mèldu serka e direktor na skol. E chikí ta pusha e mayó pa e papia e biaha aki i bisa dikun nan ta lat. E mayó ta tuma palabra:”Ma soña ku mi a bai fakansi na Orlando i a drenta den tur e atrakshonnan. Tabata asina dushi ku mi no kera bin Korsou bèk. Ma yega èrpòrt anto avion a bai lagami. Ma soña asina dushi ku mi no por a tende e wèker.”**

**E direktor a sakudí su kabes i a wak esun chikí pa tende su vershon. “Yufrou ma bai busk’è na èrpòrt, pero dor ku el a pèrde avion mi tambe a yega lat.”**